

欽定大清會典事例

欽定大清會典事例卷五百三十八

樂部

樂章 隊舞二

同治十三年

慈禧端佑康頤皇太后四旬萬壽喜起舞樂二十章
皇太后萬壽無疆。

孝思共仰

當陽多福符三祝。維

天降百祥。章一歲逢甲戌恭遇

四旬普天祝嘏。轉轉啟啟章二延洪綿寶錄。

佳節慶長春。敬獻升恆頌。歡聲徧九垓。章三九垓溥被

崇釐。大化式於

璇帷。萬姓瞻依切。千秋統緒垂。章四

垂簾十一年。夾輔任親賢。長治久安歌永賴。

武功懋兮

文治宣。章五

皇躬資

撫育。

訓政昭

嗣服。燕翼荷

貽謀。

鴻庥多景福。章生民遂元化。濡過腴。削寬租。逋普樂利。

醉醞醕。熙熙皞皞。懌懌愉愉。章殊方如砥平。聲

教既遐布。建此丕丕基。

慈懷倍增豫。章

皇帝仁孝兼隆。

聖母萬福攸同。

盛世人民樂愷。

清時景物昭融。章

閭闔千門啟。

安輿駕鳳來。

德暉欣普照。歡喜上春臺。章鬱鬱蔥蔥氣佳。行行綵仗

齊排。鷺序鵷班陪位。會朝稱慶無涯。章十一

萱室開嘉燕。萬年觴疊獻。良辰

壽而康。神人共懽忭。章十二我

皇舞綵。

聖母情怡。太和翔洽。福祿來為。章十三奏五英。親九族。麟

定歌。

鴻恩沐。本支百世感

深仁。天潢一派益敦睦。章十四藩王部長咸來賓。重譯殊

方職貢陳。赤子之慕抑何深。凡有血氣同尊親。

章十五 奔走偕來趨

闕廷。鞠脰忭舞祝

遐齡。錫之冠帶列藩屏。小懷大畏懍

威靈。章十六

皇帝治洽重熙。

垂裳恭己無為。以茲怡悅

壽母。允宜福履綏之。章十七

大孝章矣。第祿康矣。勿替引之。純嘏長矣。章十八 五風十

雨兆嘉祥。頻書大有告豐穰。盛哉斯世泰而昌。

神功炳焯煥珠囊。十九同游化宇戴

高厚。躋

金陛兮介

眉壽。

慈顏有喜安以愉。與天地兮同悠久。二十

光緒十年

慈禧端佑康頤昭豫莊誠皇太后五旬萬壽喜起舞樂

二十章

至哉

坤極悠久無疆。猗歟

令德合撰含章。

堯門疊瑞。

如幄披祥。

一人有懌。

萬壽彌臧。章星麗南弧。日躔北陸。緹室葭飛。彤階莫續。

太史占雲。伶倫候玉。上下和同。受

天百福。章二

天心復旦。

聖節長春。罄壤齊慶。互霄奉珍。

月儀外宙。雲瑞

中宸。運隆禮樂。威極天人。章三其禮伊何。謚冊珍章。鸞
回寶勢。鳳欲奇香。金支景聚。璇衛雲張。

肅雍長樂。艾熾耆昌。章四其樂伊何。韶韻亮希。天歌抗律。
雲舞踰儀。重華縵縵。八風回回。玉節金和。

嗣音之徽。章五

福以

德昌。

慶因

善積。

齋莊有臨。幾康無斁。

訓流萌觀。

風光椒掖。畢管書儀。傾璜奉式。六章

助隆庶政。

啟佑我

皇。橐威弓矢。輯瑞梯航。甄鄉即敘。島譯賓王。

慈和徧服。保畏彌光。七章於維

廣運。上娘

昊穹。春育夏養。內帡外幪。薰琴解愠。嘉玉祈豐。萬年翔

洽。百室熙隆。八章鄧林翹秀。崑岫揆奇。

旁求俊乂。分職官師。四聰明達。三宅周咨。卷耳進賢。如

歌風詩。章九

聖人在上。席鬯綏和。

慈雲陰遠。

愛日暉多。仁獸歸數。靈禽在柯。士朝而忭。民野而歌。

章十

帝隆孝治。躬奉天經。

凝旒沖幄。鳴玉

慈庭。

丈容屬屬。

舜慕烝烝。百禮既至。四海其承。章十一丕顯宗親。歲時

嘉會。邈月瞻星。編珠貫琲。璇源益濬。玉葉知訖。

訓儉

示恭。

行慶

施惠。章十二濟濟卿士。將將會朝。人瞻

丹宸。

天臨慶霄。緡文炳藻。

睿孝圖瑤。呼嵩祝華。頌魯歌姚。章十三亦有藩長。綴於

朝儀。耐珍溢阼。貢嘏駢墀。來賓璋馬。往

賚金犀。既富

皇社咸歡

壺彝十四章

帝命重申。如綸如綍。劭農賜租。勸位詔祿。熙熙春臺。

渠渠夏屋。

慶賞雲興。歡聲雷速。十五章昭禮告秩。

慈顏愷康。

旋輝玉城。

鳴豫瑤觴。喬皇

聖孝。蒼藹休昌。鉤鈐既朗。延嘉亦芳。十六章

黃屋長今。彤箴自古。媯汭嬪虞。塗山贊禹。

徽德孔明。重規襲矩。以祉元吉。宜延遐緒。章十七甲子章

部。循環無端。易圖大衍。義畫先天。箕疇演福。軒

策調元。維

天佑

聖。於萬斯年。章十八嶸嶸五岳。而岱之宗。濊濊百川。而海

斯容。雨儀清穆。八表熙雍。

湛恩波沛。

峻算山崇。

章十九

靈貺便蕃。昌期綏茂。

帝暉緝熙。

母儀純右。遐邇壹體。小大稽首。

壽考維祺。克昌厥後。二十章

二十年

慈禧端佑康頤昭豫莊誠壽恭欽獻崇熙皇太后六旬
萬壽喜起舞樂二十章

皇太后福壽同絲。

皇帝仁孝兼全。

天佑

聖母。錫之大年。

一闕逢歲之陽。其陰在敦牂。其日維吉。

其月曰良。

二王會大同。星紀五復。萬國萬年。以

介景福。

三猗歟

母儀翼我

聖主曰仁曰智。允文允武。章四其武維何。謚謀

璇幄。龕靖神州。威讐殊俗。章五其文維何。崇儒禮賢。

奎章藻耀。雲漢在天。章六其智維何。明燭萬里。中外一家。

宮府一體。章七其仁維何。如湯如堯。蠲租發帑。以

恤民勞。章八民勞休止。庶優游止。雖休勿休。民瘼

是求止。章九自普天而率土兮。咸浹髓而淪肌。

聖皇之德兮。

聖母之慈。章十茂矣美矣。薦嘉祉矣。唐矣皇矣。純嘏爾常

矣。章十一累印若綬。颺拜稽首。壤歌衢謳。逮及童

叟。十二累譯而至。屬國以萬計。咸含和而吐氣。

頌曰。盛哉乎斯世。十三大矣。

孝熙。

聖皇之思。以天下養。永奠此丕丕基。十四行慶施惠。

湛恩汪濊。而熾而昌。眉壽無有害。十五迺鏤瑇冊。今

球瑤章。迺展瓊筵。今奉玉觴。迺瞻

金陛。今穆穆皇皇。迺奏雅樂。今喈喈將將。十六琴瑟

在御。鐘磬在簾。襲乎而鼓。軒乎而舞。十七蕩蕩

八荒。

惠問所翔。願

聖母壽。應地無疆。章十八圓穹戴笠。

徽音四塞。願

聖母壽。與天無極。章十九荷天衢。提地簠。迄於期頤。萬有

千歲。福履綏之。章二十

世德舞樂章

謹案隊舞原供名慶隆舞。至乾隆二十五年始改名。普燕宗親與

盛京筵燕所用者為世德舞。

乾清宮普燕宗親樂九章

天開

聖清。覺羅肇興。

列祖繼緒。統一寰瀛。章一溯祥長白。垂統發蹟。幅員廣大。

景附悅懌。章二

聖皇立極。與天比崇。純常弗祿。昌後隆宗。章三篤親九

族。錫恩覃厚。金黃帶垂。莪冠品授。章四枝蕃萼榮。

皇情則怡。嘉承天和。方春載熙。章五璇宮肆筵。宗人爰

集。黼黻盈庭。班行辨級。章六

皇睠有喜。便蕃賚予。侍衛賜茶。恩涵露渥。章七肫仁溥

澤。大府頒金。

皇慈既渥。以洽壬林。章八宗人拜舞。臚懽忭祝。億萬斯

年。永綏多福。章九

聖駕巡幸

盛京筵燕舞辭

謹案盛京筵燕。今改用高宗純皇帝御製世德舞樂十章。

皇天明命篤生

太祖。錫之聖智。奄有東土。於

聖太祖。開基創業。始制

國書。同文六合。曰若

太宗。嗣承

天命。肇造區夏。仁育義正。

太宗如

天。丕冒純德。於錄

大清。懋建皇極。

興京聿興。

盛京斯盛。惟其至仁。九有託命。欽惟

聖皇。追慕深思。率

祖攸行。惠我嘉師。敬觀

實錄。日星為昭。

祖業艱難。中心忉忉。乃頒

明詔。播告臣氓。恭謁

祖陵。旋軫

陪京。

皇帝篤誠。

珠邱展覲。文武從臣。駿奔效蓋。我

皇聖哉。細大不遺。從臣文武。體恤周知。乃出邊關。乃經

蒙古。閱七愛曼。蕃部悅舞。

御光遠臨。旃裘畢來。

宸衷軫念。錫賚恩恢。受我

皇恩。祝我

聖皇。合十膜拜。

恩膏溥將。莅克爾素。駕言行狩。手格虎殪。馬射熊仆。英

哉我

皇。舍矢如破。獲獸孔多。萬人腹果。爰莅舊邦。爰謁

三陵既躬既親。我心則平。豈敢憚遠。豈敢畏險。至止禮成。心猶繾綣。

皇帝大孝。承祭至敬。肅將明禋。萬邦為鏡。皇仁懋哉。重齒敬老。清問殷勤。德施浩浩。

盛京莅止。臨朝閱武。

御崇政殿。

恩敷率土。

盛京

大燕

高宗純皇帝御製世德舞樂十章

粵昔造清。匪人伊

天。

天女降思。長白闔門。是生我

祖。我弗敢名。乃繼乃承。逮我元孫。章一元孫累葉。維

祖之思。我西云來。我心東依。歷茲故土。仰溯

始謀。皇澗過澗。締此丕基。章二於赫

太祖。肇命興京。哈達輝發。數渝厥盟。如龍田見。有虎風

生。戎甲十三。王業以興。章三爰度爰遷。拓此瀋陽。方城

周池。

太室明堂。不寧不靈。匪居匪康。事異放桀。何心底商。章四

丕承

太宗允揚

前列倬彼松山。明戈耀雪。以寡敵衆。杵漂流血。惜無故
老。為余詳說。五章余來故邦。瞻仰

橋山。慰我追思。夢寐之間。崇政清寧。載啟南軒。華而不
侈。鞏哉孔安。六章維我

祖

宗。欽

天敬

神。執丕酌匏。咸秩無文。帷幔再張。尊俎重陳。弗渝弗替。

遵我

先民。七章

先民宅茲。載色載笑。今我來思。

聖日俯照。爵我周親。蓋臣並召。亦有嘉賓。歡言同樂。八章

懿茲東土。允維天府。土厚水深。周原膺膺。南陽父老。

於是道古。有登其歌。有升其舞。執我歌既奏。我舞亦

陳。故家遺俗。曷敢弗因。渾灝漓休。被於無垠。勿替引

之。告我後人。十章

德勝舞樂章

謹案初定 豐澤園樂章。亦名慶隆舞。乾隆二十五年改名德勝舞。

乾隆十四年平定兩金川

豐澤園筵燕樂章

乾隆

聖世瀛寓乂康。

元首惟明。股肱惟良。景運鴻昌。休德茂著。統馭八埏。惠
液遐布。金川小醜。蠢爾冥頑。惟時弗率。跳梁窮
邊。用申

天討。聲罪執言。長驅驛駕。油雲斯屯。

聖謨廣運。決機萬里。聿簡賢臣。良弼是倚。曰忠曰勇。經
略戎功。心堅金石。誠格

蒼穹。身先丞徒。跋履巖阻。晨夕盡瘁。均勞共苦。姦宄是

殛逆謀是攘。

國憲孔昭。我武孔揚。窟穴犂止。岳巢圮止。堅卡墮止。峻礪毀止。爰褫其魄。爰喪其膽。震懾股栗。潛伏於坎。如鼠竄穴。如鱗游釜。號呼哀籲。再三求撫。元臣執義。憤欲蕩除。

帝德好生。曰免駢誅。六條攸約。虔慄遵循。

恩綸祇奉。解網施仁。丕革厥心。匍匐奔赴。除道築壇。香雲擁路。

帝仁覃敷。六合滂洋。蘇其枯朽。賜以再生。展也滿兵。彌月功成。云何其速。

皇猷是憑。神功炳焯。乾坤軒豁。

九重勝算。明並日月。勒諸瓊玖。昭諸汗青。禮成鉅典。樂奏昇平。膚功克奏。慶筵是侑。太和氤氲。翔洽宇宙。卿雲糾縵。景緯珠聯。梯航琛賁。億萬斯年。

二十五年平定西陲樂章

祖志繼成。翦滅遠叛。籌畫從容。疆闢二萬。川原式廓。乃經土田。

廟算宏深。

天心契焉。車楞內訌。丐

恩臣服。爵錫王公。周恤其屬。鬼域阿酋。匍匐

帝庭寵以藩服。秉鉞專征。俘達瓦齊。再生曲宥。念彼軍勞。崇封晉授。阿酋狡獪。將伏

天誅。妄冀非分。叛於中途。反覆二心。棄厥妻子。役屬離散。巨惡宜爾。汲水萬里。欲息燎原。似彼狂酋。徒然自燔。竄俄羅斯。疫戕其命。遐方尊

主。爰獻於境。滿洲索倫。淩波飛渡。奮勇莫當。峻嶺爰度。俘厥逋逃。收彼牲畜。取彼子女。如摧朽木。弓矢所加。賊壘莫禦。急思免脫。震駭無措。蠢爾賊衆。作亂變更。

帝德涵濡。惇獨遂生。豈曰窮兵。豈曰黷武。乘時邁會。忍

弗遠撫。回首在囚。解其禁錮。甫還庫車。流言煽布。惟彼兇渠。負

君莫比。罔念

聖恩。能弗切齒。伊犁既輯。諸部賓服。豫策久長。悉收回族。二賊潰逸。

命將追遏。踰其穴巢。直抵巴達。爰遣侍衛。乃得其情。回長搏額。獻馘輸誠。遠古莫稽。列史具在。殲寇如斯。未有儼類。機槍淨掃。寰宇昇平。師出以正。中外永清。

睿謨惟誠。宵旰無逸。宏奏膚功。

聖心斯懌。順我者昌。逆我者亡。旌別恐遺。

天語孔彰。酬庸封爵。表勇錫名。昭茲懋賞。章采聿明。誅
鋤元惡。大功告成。如春育物。德合清寧。

道光八年武功告成樂二十章

道光

聖世德洽。絃埏獻琛。奉賁有翼。有虔。章一蠢茲逆回。逋誅

小醜。喙伏荒裔。敢為戎首。章二麇麇其羣。驛驛其

氛。涉卡潛煽。不戢自焚。章三

皇赫斯怒。爰

命揚威。汝往討亂。執訊以歸。章四渾巴什河。先聲克振。進

臘柯坪。靡有遺燼。章五沙崗從從。我兵既攻。三莊
埽穴。十日奏功。章六奏功一月。四城迅復。伯克跪
迎。額頌神速。章七莫赤匪狐。莫黑匪烏。星弧所指。
並伏其辜。章八

帝軫八城。蠲屨租賦。耄齒歡慶。九天甘澍。章九於錄

宸謨。十條誕敷。罪人務得。勿俾稽誅。章十稽誅勿俾。征師

勿俟。次第凱還。以息勞勩。章十一蒼莽四山。偵騎

周環。妖鳥攸投。庭弓攸彎。章十二歲既宴矣。烝徒

驤驤。制梃捷賊。阿圖什莊。章十三我追彼竄。自昏

徂旦。抵鐵蓋山。去路倏斷。章十四爰喪其馬。爰曳

其兵奪彼短刃。繫以長纓。章十五城柳初黃。驛騎
載馳。都人夾道。遙望紅旗。章十六橐弓錫組。告於

天

祖。歸善

慈闈。孔曼受祜。章十七勒碑誌事。

御門受俘。聿啟喜燕。露湛雲需。章十八旨酒既嘉。隊舞入

侑。小大稽首。我

皇萬壽。章十九

聖武維揚。

聖恩維長。饜仁飫義。

萬壽無疆。二十

欽定大清會典事例卷五百三十九

樂部

樂章 笛吹 平西笛吹 番部合奏

笛吹。

大燕

牧馬歌

人君之樂。恃此紀綱。兆民之樂。恃我

君王。室家孔宜。夫君之力。朋友有成。和輯之德。

告歌

八種成壤兮。實人世之常。墮迷網中兮。愁鎖與情韉。

愚人無識兮。樂茲殊未央。執空為有兮。謬語其奚當。
如意寶

不澡心於羣經。具本性而無明。不服膺於佛乘。說
妙行而聽熒。

佳兆

一人首出。萬國尊親。湛恩汪濊。普被生民。百花敷榮。一
日悅目。灌頂寶光。萬衆所伏。

誠感辭

良胡畏哉。裏以至誠。良胡過哉。竭已所能。良胡偽
哉。語無文飾。良胡怠哉。罔敢休息。

吉慶篇

有

君聖明逾戴天。有臣靖共勝後嗣。健婦持家過丈夫。
如意寶珠惟孝子。

肖者吟

滅除己罪。仗佛真言。如欲療病。惟良藥存。菩提
鐙兮。出衆生於黑暗。智慧梳兮。櫛六慾之糾纏。

君馬黃

大海之水不可量。天府寶藏奚渠央。良朋和睦
益無方。

聖有謨訓垂無疆。

懿德吟

人君能仁。蒸黎之父。君子和平。羣相睥附。懿厥哲人。實維師傅。匿智懷私。乃民之蠹。

善哉行

惟安惟和。心意所欲。無貳無虞。朋友式穀。

樂土謠

分人以財。惠莫大焉。施人以慧。寧不踰旃。

踏搖娘

日將出兮。明星煌煌。壽斯徵兮。秀眉其龐。三十

維壯。五十遲暮。莫親祖母。莫尊祖父。

頌禱辭

我馬蹀躞。行如流水。雋英滿座。交親悅喜。族黨
嫺姪。咸富且貴。酌酒為歡。既多且旨。

慢歌

十五歡娛八十衰。壯容華茂遲暮悲。祖妣最親
祖尊哉。

唐公主

遵王之路兮。愆尤希。素位而行兮。夫奚疑。

丹誠曲

罔有敗事兮遵道而行。長無離析兮順親之情。

明光曲

瞻彼日月。虛空發光。

聖君

聖母。焜耀萬邦。

吉祥師

日月之明兮。容光必照。

聖君之明兮。蒸黎咸造。

聖明時

際

聖明時。良我福只。橫被恩澤。良我祿只。

微言

倏忽變遷。順其自然。如彼蜃樓。余生渺焉。

際嘉平

諸惡莫作。菩提薩多。瞋瞋妄行。用墮三塗。

善政歌

經何本。本於宗。身何本。媼與翁。罪何本。嗔熒熒。
福何本。和雍雍。

長命辭

靡言不適於道兮。水萬派而朝宗。夫惟外道之

妄語兮。井自畫而不通。

竊窈娘

惓惓原獸。思全其身。兢兢庶士。思庇後昆。

湛露

維彼愚人。惟知己身。維此哲人。心周萬民。

四賢吟

六欲相牽。微生是戀。歎彼駒光。如夢如電。

賀

聖朝

慈悲方便。永斷疑情。極樂淨土。不滅不生。

英流行

知之而作兮。明哲所由。不知而作兮。庸愚之傷。
慮而後動兮。卓彼先覺。率而妄動兮。是乃下流。
堅固子

馬蹠蹠兮。身不獲康。念此身兮。本自無常。馬騰
驤兮。生不獲寧。念此生兮。本自無生。

月圓

良馬之德。於田可徵。良朋之行。相交乃明。

緩歌

良馬云何。乘者所思。良朋云何。久而敬之。

至純辭

惟

帝力兮勞來。父母力兮免懷。乘騏驎兮馳驟。仗巨擘兮弓開。

美封君

貢高專美。曰惟不仁。擁背自厚。不久四分。惟不惺惺。乃不戒懼。凶心常萌。誰與共處。

少年行

嗟棄捐於巖穴兮。盡遠播夫芳聲。嗟終老於草莽兮。盡永垂夫令名。

四天王吟

悲哉北印。令聞宜揚。北印悲歟。青史不渝。

宛轉辭

瞻彼中林。芄芄萬木。梅檀有香。生是使獨。萬類咸若。攘攘芸芸。民之父母。首出

一人。

鐵驪

載飛載翔。惟翮是憑。為聲為律。惟心是經。射之能中。惟指是憑。交之能善。惟和斯恆。

木樨珠

穀之成雖兮。乎化之功。羽用為儀兮。賦命之隆。
迪彼愚蒙兮。惟

聖之功。明厥本性兮。實在己躬。

好合曲

維勤斯哲。安不可懷。溺茲小樂。至樂難期。

童阜

乾照無私。

聖教無類。

謨訓洋洋。鑒茲不昧。

天馬吟

騏驎不羣蹇驢。鴻鵠不偕斥鷃。騶虞不遇狐狸。
聖哲不昵愚賤。

大龍馬吟

疇知幻軀。祕此佛性。疇不退轉。佛恩來證。上德
墮落。疇其知病。下士頓超。疇其知競。

始條理

福慧天寶。誠哉難覩。通人達士。豈奚易返。

追風赭馬

蕙兮蒨兮。山有芳蘭。儻兮祁兮。首有妙鬋。

迴波辭

元首明哉。首出股肱。良哉罕匹。賢夾輔兮。王室莫執。
左道兮。姦賊。

長豫

景行行止。下民堪憐。宜汎愛衆。毋逆忠言。

平調

騏驥適我體。橐韃衛我身。嘉言資我道。經史沃
我心。

游子吟

升彼高阜兮。思我故鄉。有懷二人兮。莫出戶堂。
陟彼崔嵬兮。思我故鄉。有懷二人兮。莫出垣牆。

平調曲

帝王無逸。天地和寧。辟公膚敏。兆民阜成。

高士吟

日之升。天為經。民之行。

君為程。水之流。隨坎盈。北之游。駒之情。

哉生明

非冒於貨賄也。感兄弟之敬心。非貪於飲食也。感父老之誠忱。

高哉行

云何致太平。畢然望

皇衢人生夫何常。善保千金軀。民之不能忘。令名
照神區。子孫振繩繩。百千萬億餘。

三章

敬遵佛教。如滋甘雨。莫行邪惡。種茲罪苦。

圓音

身無常。花到秋。名無常。雷不留。財無常。蜂釀蜜。
業無常。海發漚。

欄杆

賢者斯賢賢。不賢不賢賢。蜜蜂見花駐。蜻蜓去
翩翩。

思哉行

千金寶馬。不如先人之畀遺。嘗盡諸果。不如母乳之甘兮。

法座引

電可畏兮。時屈未明。霜可畏兮。五穀將登。禍可畏兮。歡樂所成。罔不可畏兮。憶神魂之初降生。

接引辭

火宅無清涼。苦塗無安樂。鳥路誰能攜。閻浮難駐脚。

化導辭

閭浮提界。如彼高山。越之維艱。盡卻今時。大海
漫漫。欲度良難。

七寶臺

瞻彼隄岸。水則不濫。有

君牧民。當無畔散。飛鳥雖疲。寧甘墮地。君子固窮。之
死不二。

短歌

嗟余生之歡樂兮。似黃離之盈昃。感韶光之荏
苒兮。似葉上之青色。及芳華之當齒兮。且喜樂
以永日。

夕照

時乎時乎。時外無時。時其逝矣。奚與樂為。黃離
既昃。定少溫暾。天光既暮。晻晻其陰。

歸國謠

皇矣

聖世。藹如

仁君。懷哉懷哉。日遠日分。亦有良朋。如兄如弟。日遠
日離。能不遙跂。

僧寶吟

投誠皈命。即安且吉。如佛塔廟。云胡遠別。和樂

且耽手足提攜。如姊如娣。云胡遠離。

婆羅門外

酪必成醐。父將成祖。沙必成邱。母將成嫗。

三部落

試觀三界。漚起漚滅。如彼秋雲。乍興乍沒。

五部落

流水何湯湯。吾生如是游。雖有聖賢人。誰能少
滯留。

平西笳吹。

乾隆二十五年平定西陲

豐澤園筵燕

聞聞煌煌。鐘鏞鏘鏘。鳴鞭祇肅。

帝用燕康。荷

天純嘏。

祖德凝庥。從容底定。允升大猷。

聖德宏敷。光被遐邇。如拱北辰。諸部歸止。

慈恩覆幬。滄海無量。爭先效順。奔走來王。憲章斯備。勝

算克成。跳梁羣醜。魚貫輸誠。

天威震疊。小腆惕厲。

大君惟仁。莫不臣隸。

聖教宏敷。額手格心。月竄同風。越邁古今。
遠謨是協。絕微安康。撫綏之德。徧於遐荒。
乾元功懋。滂洽垓埏。巍巍
威德。億萬斯年。

道光八年平定回疆筵燕

於赫

皇威。式於九圍。回疆耆定。飲至勞歸。
章一有截回疆。

純皇所綏。畏

神服

教。羣我藩籬。

章二

蠢茲逆裔。逋誅再世。燎原自焚。法不可

賞三戎車爰西如雲如霓一月三捷四城其僕

章四城既治醜黨既夷穀附張麗妖鳥安之五

回莊歲通有鴟萃止躡迹窮追鐵蓋孔歸六繫章

以白組報以紅旗新春送喜

皇心載怡七昔賦出車今歌采薇

受釐

天

祖歸善

慈開八嘉獻允儀溥哉

恩施奉觴稽首

萬壽維祺。

九章

番部合奏

大燕

大合曲

元綽是依。明神是祇。一心至誠。昭事勤只。巍巍
大君。永底蒸民。中心愛戴。稽首來臣。念人生之無常。
兮。合勤修夫善行。信百行之咸善兮。終和平而
神聽。

染絲曲

大君至聖。敬敷率土。教寧萬邦。拜跪奉

主。

公莫

丕顯

元后。惠懷萬方。國彥棐恭。協贊邦常。率土之濱。誠意
溥將。咸拜稽首。依戴

聖皇。

雅政辭

皇皇

聖明。無遠弗燭。林林衆庶。無思不服。元化惠心。為善
去惡。

聖人之邦。長生永樂。

鳳凰鳴

承乾體元。惟我

聖君。光開草昧。惟我

聖君。綱紀庶政。惟我

聖君。父母萬國。惟我

聖君。惟我

聖君。兮。履轉如天。惟我

聖君。兮。自新新民。惟我

聖君。兮。中外乂安。惟我

聖君兮。羣慝消淪。拜手稽首兮。頌溢兆民。

乘驛使

大地茫茫。大海滄滄。豈伊無寶。求之奚方。自古
在昔。為君為王。膺圖御宇。命不于常。實心實政。
惠此萬邦。

聖御大寶。繫惟我

皇。繫惟我

皇兮。疇可與之頡頏。